

放光般若波羅蜜經卷第十七

重七

西晉三藏無羅叉共竺叔蘭譯

大事興品第五十一

爾時須菩提白佛言世尊是般若波羅蜜甚深甚深爲大事興不可思議不可稱量無有

重七

與等不可得限佛言如是須菩提般若波羅蜜爲大事興爲無有與等事興何以故須菩

提五波羅蜜者等從中得成與般若波羅蜜相應內空外空及有無空等從般若波羅蜜中出三十七品十力十八法等從中出與般

若波羅蜜相應佛地薩云若慧等從中出與般若波羅蜜相應佛告須菩提譬如轉輪聖

王諸小國有事各自成辦轉輪聖王亦無所憂所以者何諸小國王素已受聖王教令故是故不復憂諸弟子法辟支佛法諸菩薩法

及諸佛法等從般若波羅蜜出般若波羅蜜者爲辦其事是故須菩提般若波羅蜜爲大事興爲無有與等事興不受五陰不入五陰爲應不受不入乃至薩云若亦爾須陀洹道至羅漢道辟支佛道亦不受不入乃至阿耨多羅三耶三苦不受不入須菩提白佛言世尊云何五陰不受不入乃至阿耨多羅三耶三苦不受不入佛告須菩提於意云何頗見五陰有所入有所受不須菩提言不見世尊乃至阿耨多羅三耶三苦亦不受不入須菩提言世尊亦不見五陰有受有入亦不見三耶三佛有受有入佛言善哉善哉須菩提我亦不見五陰我亦不受持五陰乃至三耶三苦我亦不見亦不受持不見所入須菩提我於佛地亦不見薩云若亦不見如來事亦不

受亦不持是故須菩提菩薩摩訶薩亦不當受五陰亦不當入五陰於佛事薩云若事如來事亦不持亦不入諸欲天子諸色天子俱白佛言世尊般若波羅蜜甚深難了不可思議甚深微妙是智者所知解深般若波羅蜜

重七

二

者世尊皆是過去佛時所作功德善本所致與真知識相得所致世尊假令三千大千世界一切衆生皆信三尊盡得須陀洹斯陀含阿那含阿羅漢辟支佛是諸聖賢所可有慧所有道德不如是善男子善女人於是深般若波羅蜜中可念觀稱樂一日之中其德出彼上何以故從須陀洹上至辟支佛智及信至無所從生法忍諸天子不如是善男子善女人於深般若波羅蜜中書持諷誦守行一日疾得泥洹勝羅漢辟支佛道所作功德或

遇一劫奉行餘經離般若波羅蜜不住薩云若也何以故於是深般若波羅蜜中廣說三乘令諸羅漢辟支佛各得其信不失所應諸菩薩摩訶薩亦於中成阿耨多羅三耶三菩於是諸色天子諸欲天子同時嘆言世尊是

摩訶般若波羅蜜不可思議於是中出信樂使諸聲聞各得所應成須陀洹斯陀含阿那含阿羅漢辟支佛道又使諸菩薩摩訶薩得成阿耨多羅三耶三菩阿惟三佛是深般若波羅蜜亦不增亦不減諸色天子諸欲天子各以頭面著地爲佛作禮遶佛三匝已去去是不遠忽然不現各還天上須菩提白佛言若有善男子善女人聞是深般若波羅蜜即解者於何所來而生是間佛告須菩提若菩薩摩訶薩聞是深般若波羅蜜即解不厭亦

不狐疑又亦不礙意常思念樂得聞終不遠離若行若起若坐若卧常隨法師意不遠離須菩提譬如新生犢子意終不欲遠離其母是善男子善女人聞是深般若波羅蜜諷誦上口樂喜守行解其中義意亦不欲遠離法師須臾之間是善男子善女人本從人道中來今生是間復得爲人所以者何以是善男子善女人前世時聞是深般若波羅蜜書持諷誦守行中事供養花香繒蓋幢旛以是功德從人道中來今得深般若波羅蜜聞便即解須菩提白佛言世尊頗有菩薩摩訶薩即解須菩提白佛言世尊頗有菩薩摩訶薩如佛所說所作功德善本具足供養諸佛復有從彼來生是間復得深般若波羅蜜書持諷誦信樂守行有是者無佛告須菩提有從他方供養諸佛從聞深般若波羅蜜以是故

采生是間復得深般若波羅蜜聞便即解信樂守行復次須菩提當知是菩薩摩訶薩從兜術天上亦復具足功德善本何以故是菩薩從彌勒菩薩所聞是深經以是故今來生是間得深般若波羅蜜聞便即解信樂守行須菩提若有菩薩於深般若波羅蜜有狐疑貳意者是人前世時聞深般若波羅蜜不問中慧是故今來雖生是間聞六波羅蜜意續狐疑不信不受亦不喜樂復次須菩提是人本聞內空外空及有無空亦不問中事是故今續不信不樂是人前世聞三十七品佛十八法不信不樂不問中事是故今來聞般若波羅蜜驚恠狐疑不信不樂復次須菩提若有菩薩聞般若波羅蜜從一日至五日常問中事用是故所生處常得聞深般若波羅蜜

終不離所問何以故須菩提是菩薩但能得

聞問其中事於行未備須菩提若有人或時

欲聞般若波羅蜜若不欲聞志不堅固或能
於中起餘因緣譬如輕衣隨風東西當知是
菩薩適學未久不得真知識未供養過去諸

佛不作功德善本所致不勤學諷誦所致未

得六波羅蜜所致未得內外空及有無空所
致不學六通三十七品薩云若所致當知是
新學少樂於法不能書持般若波羅蜜受學
諷誦亦未能習行其事須菩提若有善男子

善女人行菩薩道者得深般若波羅蜜不念

書持諷誦守行乃至薩云若亦復不念學受
親近故當知是輩或墮二地所以者何是善
男子善女人見深般若波羅蜜不念書持受
學親近故也是故其人便入二地當墮羅漢

辟支佛道地

重七

五

譬喻品第五十二

佛告須菩提譬如大海中船卒破壞其船中
人不取板木反取死人而抱持者知彼人終
不能得度皆當俱沒所以者何用各不取所

依持故其人若取板木檣者徑便得渡身得
安隱用取所依而以自濟須菩提若有善男
子善女人行菩薩道者於信樂少雖得深般
若波羅蜜不諷誦受不依親近不習行六波
羅蜜乃至薩云若亦不親近當知是人中道
有礙不能逮得至薩云若當取羅漢辟支佛
證須菩提若有善男子善女人行菩薩道於
阿耨多羅三耶三菩有信樂有能有念有解
有施有行得深般若波羅蜜書持受學親近
諷誦當知其人能受持深般若波羅蜜成阿

阿耨多羅三耶三菩至薩云若終不中礙墮羅漢辟支佛道能教化衆生淨佛國土須菩提譬如有人持坏瓶行取水當知不久如是爛壞所以者何用未成熟故須菩提若有善男子善女人行菩薩道者雖有信樂有念有施有解有親近有行於阿耨多羅三耶三菩亦不受持六波羅蜜無惱拘舍羅又不受持內空外空及有無空不受五通三十七品至薩云若亦不親近當知是人中道妨礙須菩提何等爲中道妨礙墮於羅漢辟支佛道譬如有人持成熟瓶若詣河井若詣陂池而行取水當知是人得水來歸安隱不失所以者何用瓶成熟故須菩提若有善男子善女人行菩薩道於阿耨多羅三耶三菩有至信樂有施念解有行有慧受六波羅蜜惱拘舍

羅親近薩云若當知是人至阿耨多羅三耶三菩終無罣礙須菩提譬如大海有始成船未牢擣治亦未莊辦便持財貨著於船中乘有所詣當知是船不久中道而壞亡散財物各在一處用是賈客無有方便失所持物亡其大寶須菩提若有善男子善女人欲行菩薩事於阿耨多羅三耶三菩雖有信樂信施念解於功德少得深般若波羅蜜亦不書持諷誦受學於六波羅蜜亦不受學亦不親近薩云若事無惱拘舍羅須菩提當知是人中道妨礙離失大寶大寶者薩云若是中道墮羅漢辟支佛道譬如智之人先治其船辦莊牢固持物著中乘有所至當知是人必到所至得其珍寶安隱無失所以者何用其船完牢強所致若有善男子善女人行菩薩

道有大信樂有施有念有解有行於阿耨多羅三耶三菩得深般若波羅蜜便受學書持諷誦守行於六波羅蜜皆有功德於薩云若是意常親近乃成阿耨多羅三耶三菩終不罣礙不墮羅漢辟支佛道須菩提譬如有人年

重七

百二十其人有病若風若寒熱於意云何其人寧能自起止行步不須菩提言世尊不能所以者何是人已老正使無病猶尚不能起止行步況復有病筋力消盡豈復能行有所至到須菩提若有善男子善女人行菩薩道於阿耨多羅三耶三菩雖有信樂有施有念有能有行於六波羅蜜功德中少亦不親近薩云若事無惱恕拘舍羅當知是人中道妨礙墮羅漢辟支佛道何以故不得深般若波羅蜜惱恕拘舍羅故須菩提向者老公所病

已愈取兩健人各扶一腋各持一臂語老人言安意莫懼我當將公在所至處終不相棄是人寧能有所至不須菩提言世尊能至所處佛言若有善男子善女人行菩薩道於阿耨多羅三耶三菩有至信樂有能有施有行有慧於六波羅蜜皆有功德於薩云若意常親近有惱恕拘舍羅知是菩薩終不罣礙堪任於阿耨多羅三耶三菩而不動轉墮聲聞辟支佛道也是時世尊嘆須菩提言善哉善哉爲諸菩薩摩訶薩今問如來是事若有菩薩以吾我意想奉行六波羅蜜言我所爲行六波羅蜜已便貢高善薩作是行者終不得度六波羅蜜是善男子善女人亦不知彼岸亦不知此岸不爲六波羅蜜所持不爲薩云若所持中道墮羅漢辟支佛地亦不出生於

薩云若須菩提云何菩薩無惱恕拘舍羅是
善男子善女人行菩薩道不以惱恕拘舍羅
行六波羅蜜於六波羅蜜皆有吾我想我有
所爲行六波羅蜜而自貢高何以故六波羅
蜜中初無有是念有所分別有是念者常住

重一

八

此岸但知此岸不知彼者不爲六波羅蜜所
持亦不爲薩云若所持中道墮羅漢辟支佛
道亦不出生薩云若中須菩提如是菩薩不
爲惱恕拘舍羅所持便墮羅漢辟支佛中須
菩提云何菩薩行般若波羅蜜爲惱恕拘舍
羅所持不墮羅漢辟支佛道成阿耨多羅三
耶三菩須菩提菩薩行六波羅蜜無吾我念
於六波羅蜜而不貢高何以故六波羅蜜中
亦無有念亦不貢高菩薩知此岸知彼岸者
爲六波羅蜜所持爲惱恕拘舍羅所持出生

薩云若不墮羅漢辟支佛道須菩提菩薩作
如是行者爲不墮羅漢辟支佛道爲六波羅
蜜所持爲惱恕拘舍羅所持爲薩云若之所
護

隨真知識品第五十三

爾時須菩提白佛言世尊新學菩薩云何學
六波羅蜜佛告須菩提新學菩薩欲學六波
羅蜜者當與真知識相隨常當承事又復當
與能解說般若波羅蜜者相隨亦親近有能
解說是般若波羅蜜者常當呼人勸助令學

重七

九

六波羅蜜當守奉行當持是得阿耨多羅三
耶三菩莫於阿耨多羅三耶三菩中批於五
陰亦莫於阿耨多羅三耶三菩中批六波羅
蜜莫批於內外空及有無空莫批三十士品
佛十八法莫批薩云若所以者何不批五陰

者便逮得薩云若不批六波羅蜜者便逮得
薩云若不批內外空及有無空三十七品佛
十八法者便逮得薩云若當言善男子行般
若波羅蜜於五陰中莫起想著之意所以者
何善男子是五陰非可著者亦莫於六波羅
蜜有所著善男子六波羅蜜亦非可著者亦
莫著於內空外空及有無空三十七品佛十
八法乃至薩云若亦莫有著所以者何薩云
若者亦非有著亦莫起著於須陀洹斯陀含
阿那含阿羅漢辟支佛亦莫起著於菩薩乘
亦莫起著於阿耨多羅三耶三苦所以者何
善男子是阿耨多羅三耶三苦非可著者何
以故諸法之相皆悉空故須菩提白佛言世
尊菩薩摩訶薩甚慊苦於空無相之法發阿
耨多羅三耶三苦欲得阿惟三佛佛言如是

須菩提菩薩甚慊苦於空無相之法發阿耨
多羅三耶三苦得阿惟三佛須菩提爲世間
故愍念世間安隱世間欲救世間一切衆生
以衆生故發阿耨多羅三耶三苦爲世間歸
爲世間作護爲世間作燈明故發阿耨多羅
三耶三苦爲世間作將爲世間導爲世間舍
爲世間趣故發阿耨多羅三耶三苦須菩提
云何菩薩爲諸衆生故發阿耨多羅三耶三
苦度脫五道安隱衆生著無畏岸坦然泥洹
以是故爲世間發阿耨多羅三耶三苦云何
重七
菩薩欲安隱世間須菩提菩薩摩訶薩諸有
衆生有苦惱憂悲者皆悉度著無憂之岸坦
然泥洹是故菩薩爲世間安樂須菩提云何
菩薩爲世間作救是菩薩摩訶薩世間諸有
生死勤苦救世衆生令脫衆苦以法教化次

以三乘而度脫之是故菩薩爲世間救須菩提云何菩薩爲世間護世間衆生有生死之法護令不生衆生皆有老病死法護使不老不病不死有憂悲者護令得至無餘泥洹是故菩薩發阿耨多羅三耶三菩爲世間護須菩提云何菩薩爲世間舍是菩薩摩訶薩得阿耨多羅三耶三菩阿惟三佛時爲世間說諸法無礙是故菩薩爲世間舍云何菩薩爲世間燈明菩薩摩訶薩於三界冥中授諸衆生令立泥洹是故菩薩爲世間燈明云何菩薩爲世間將是菩薩得阿惟三佛時爲世間說色非我所是爲非色痛想行識亦非我所是爲非識乃至薩云若爲非我所是爲非薩云若須菩提如色非我是爲非色如色非我諸法亦爾須菩提白佛言如世尊所說五陰

非我所諸法亦爾如是菩薩爲不逮覺諸法何以故色者無所分別乃至薩云若亦無所分別亦不言是五陰亦不言是薩云若亦無所分別菩提如汝所言五陰無所分別至薩云若須菩提如汝所言五陰無所分別至薩云若亦無所分別亦不言是五陰亦不言是薩云若須菩提是亦爲大慳苦常行是法而不厭倦亦不懈怠菩薩言我亦當逮覺亦當持是清淨之法宣示未學者須菩提是故菩薩爲世間說非我所須菩提云何菩薩爲世間諸譬如江河恒海斷流絕域可止頓處是謂爲諸於人有益當來過去五陰兩斷當來過去菩薩云若亦兩斷如是斷者諸法亦斷諸法斷者當來過去亦斷如是斷者是則爲淨是則爲快是則爲真實是則爲空愛盡無倚無餘無塵是則爲泥洹須菩提菩薩得阿耨多羅

三耶三菩阿惟三佛時便分流是清淨法化
真諦法化以濟衆生是故菩薩爲世間諸須
菩提云何菩薩爲世間將導菩薩得阿耨多
羅三耶三菩阿惟三佛時爲世間衆生說五
陰法不生不滅不著不斷作是說法從須陀

洹至阿羅漢辟支佛法爲是輩說五陰不生
五陰不滅持是法教流布世間須菩提是菩
薩得阿惟三佛時作是說法是爲世間將導
須菩提云何菩薩爲世間趣菩薩得阿耨多
羅三耶三菩阿惟三佛時說五陰如趣空說
薩云若如趣空五陰空者則無所趣亦不趣
亦不不趣何以故五陰與空亦不來亦不去
作是說法者爲衆生說薩云若空亦不來亦
不去所趣而無所趣須菩提是故菩薩爲世
間趣須菩提何以故諸法過者如空一趣不

復還何以故空亦無來亦無去諸法所至亦
無有相亦無有願何以故相願一過不復還
故相願亦不來亦不去諸法所至亦無所至
亦無有行亦無有生亦無有滅亦無有著亦
無有斷如夢如幻如響如影如化如焰諸法
亦如是一去亦不復還何以故化者亦無去
亦無有來須菩提諸法所至無有邊際亦不
復還諸法亦不動亦不不動諸法亦不來亦
不去諸法亦不合亦不散諸法無我無命無
壽須菩提衆生尚無所有況當有往還須菩
提諸法所住有常諸法所住有樂諸法所住

有淨諸法所住有我諸法無常苦無淨非我
諸法所住者有婬怒癡見有身見是諸法住
亦如如住如法性住如真實住如普住如不
思議性住如不動移住是所住處亦不來亦

不去何以故諸法亦不來亦不去諸法住如

五陰何以故五陰尚不可見何況當有去來

諸法住如六波羅蜜是住亦無有還何以故

六波羅蜜尚不可見何況當有往還諸法住
如內外空及有無空如三十七品住如十八

法住如十八法亦無去亦無來諸法住如聲

聞辟支佛道住如阿耨多羅三耶三菩住亦

無往還何以故阿耨多羅三耶三菩無往還

無所有故須菩提白佛言世尊是深般若波

羅蜜誰能解者佛言菩薩摩訶薩從過去佛

所作功德供養無央數百千諸佛久與真知

識相得者是輩人能解是深般若波羅蜜耳

須菩提白佛言世尊菩薩摩訶薩有何等相

能解是深般若波羅蜜佛告須菩提若有菩

薩於婬怒癡斷者則是其相須菩提能解深

般若波羅蜜者婬怒癡像則爲已斷也
解深品第五十四

須菩提白佛言世尊菩薩摩訶薩解深般若
波羅蜜者爲至何趣佛告須菩提菩薩摩訶
薩能解深般若波羅蜜者當趣薩云若須菩

提白佛言如薩云若所趣者是爲菩薩摩訶

薩解深般若波羅蜜趣薩云若者則爲一切

衆生作導須菩提言世尊念般若波羅蜜者

爲不念諸法念般若波羅蜜者爲無所念念

般若波羅蜜者爲無端緒佛問須菩提念般

若波羅蜜者何等爲無所念須菩提言世尊

念般若波羅蜜者五陰無所念念般若波羅

蜜者吾我衆生爲無所念念般若波羅蜜者

六波羅蜜爲無所念念般若波羅蜜者內空
外空及有無空三十七品佛十八法爲無所

念念般若波羅蜜者須陀洹至薩云若爲無所念佛言善哉善哉如須菩提所言念般若波羅蜜者爲不念五陰乃至薩云若爲無所念須菩提六波羅蜜者是阿維越致菩薩摩訶薩之所應護有菩薩行深般若波羅蜜不

重七

十四

入六波羅蜜亦不入薩云若行般若波羅蜜者不隨他人語不信餘道亦不持作要阿維越致菩薩摩訶薩行深般若波羅蜜不雜婬怒癡行深般若波羅蜜阿維越致菩薩摩訶薩初不離六波羅蜜聞說深般若波羅蜜時亦不恐懼亦不厭倦終不轉還常思念聞聞已受持諷誦守行應般若波羅蜜教須菩提當知是阿維越致菩薩前世已曾聞般若波羅蜜中事亦諷誦受持已行中事何以故不恐不懼從久遠以來常行是深般若波羅蜜

故須菩提白佛言世尊菩薩摩訶薩聞說深般若波羅蜜不恐不怖亦不動還者云何於行倍復增益佛言行般若波羅蜜者如應薩云若云何行般若波羅蜜應薩云若佛言如依應空無相無願爲應依深般若波羅蜜依深般若波羅蜜者如依虛空如依無所生如依無所滅不依於著而依於斷如依於如依於法性依於不思議依等無作如依夢須菩提白佛言世尊依般若波羅蜜者如依虛空如依夢者菩薩行深般若波羅蜜者不依五陰不依薩云若作行佛語須菩提菩薩行般若波羅蜜亦不依五陰亦不依薩云若五陰及薩云若亦無有作者亦非不作亦無所無去亦無所止亦無所作亦無所出亦無所入亦無有數亦無有限無數無限者亦無有

能逮覺者從色至識無能逮覺者亦不從六
波羅蜜能逮覺者亦非薩云若慧能逮覺者
何以故五陰如薩云若如五陰與薩云若如
俱等無異十八法如薩云若如亦等無有異
一等無有二

放光般若波羅蜜經卷第十七

音釋